

Trabounan logistico ta den full swing pa Caribbean Sea Jazz Festival Aruba



For di siman pasa por a nota movecionan particular dilanti di ex John F Kennedy School banda di Retonde di Cas di Cultura. Esaki tabata relaciona cu e construccion di e mega

scenario principal di Caribbean Sea Jazz Festival cu ta tuma lugar Diabierna y Diasabra awor. Mientrastanto e siman aki e trabounan a intensiva unda cu containernan a wordo poni na



nan lugar, tribunanan a wordo poni y e construccion di e dos tarima tambe a inicia riba Stadion Weg. Pa por pone hunto un festival cu tres tarima no ta nada facil y un equipo di hende dedica ta trahando dia y anochi pa por tin e lugar compeltamente cla pa diabierna cual lo ta e promer dia di e festival.

Ta sperando riba bastante mil persona cu lo ta presente for di entre otro Curacao, Suriname, Hulanda, Merca y otro destinacionan. Naturalmente e mayoria ta di Aruba mes.

Lo bay tin e famoso area cu jama "La Papa". Aki varios res-



taurant di Aruba lo ta bendiendo nan cumindanan y lo tin lugar pa e publico por sinta come. Tambe parti paden mes lo tin e Art Gallery y e Auditorio di Cas di Cultura tambe tin un programa bon varia.

Artistanan cu lo ta riba tarima ariba diabierna

y diasabra ta entre otro Chaka Khan, Oscar de Leon, Fourplay, Randy Brecker, Pete Philly, Sven Hammond Soul, Diverse Sauzen, Reno Steba / Mike del Ferro y e bandanan local manera Robert Jeandor, Upgrade Music, Scol di Musica, El Prove y mas.

